

Free Digital Copy From [ServeNow](#)

*DEE ESE SE
WOHUNU FA
ASORE NO HO*

Ben Foley

ServeNow 

Deɛ Ɛsɛ Sɛ Wohunu Fa Asɔre No Ho

The Basic Things You Need to Know About The Church (Asante Twi)

Ɔtwerefoɔ: Ben Foley

Ɔsamufoɔ: Lars B. Dunberg

Owuraye Tumi © 2015 *ServeNow* na wɔde ma.

ServeNow nko ara na wɔma ɛkwan ma wɔde Owuraye Tumi no di dwuma.

ISBN 978-1-964796-59-8

Tweresem a wɔafa afiri Asante Twi Nkwa Nsem™ mu,

Owuraye Tumi © 1996, 2020, Biblica Inc. na wɔde ma.

Biblica, Inc. nko ara na wɔma ɛkwan ma wɔde Owuraye Tumi no di dwuma.

Tweresem a wɔafa afiri Asante Twi Nkwa Nsem™ mu,

Owuraye Tumi © 1996, 2020, Biblica Inc. na wɔde ma.

Biblica Inc. nko ara na wɔma ɛkwan ma wɔde Owuraye Tumi no di dwuma wɔ wiasɛ afanan nyinaa.

ServeNow na ɔtintimuiɛ

5142 N Academy Blvd #153

Colorado Springs, CO 80918, USA

Dee Eɛe Se Wohunu Fa Asɔre No Ho

Nnianimu

Na Yesu Kristo Asɔre no ye “nnipa nhyiamu” a eye fe pa ara wo asase yi so. Na ewo ohaw ahodoɔ a enne yi nyinaa mpo, saa ohaw ahodoɔ no da so wo ho; nanso se Asɔre no di ne dwuma sedee whyee no no pɛpɛɛɛ a, biribiara nni ho a ene no beɛe wo asase yi so. Eno ne dee Yesu kaa se “ɔbesi”no. Eye Asɔre no so na Honhom Kronkron no fa ye n’adwuma wo asase yi so enne mmere yi mu.

Nanso obi bebisa se, edeen koraa ne Asɔre? Edeen adwuma na eye? Ekwan ben so na eɛe se efa di ne dwuma? Sen na Asɔre a ahoden wo mu si tee?

Asɛmfua a yɛfrɛ no Asɔre no

Wode asem “asɔre” dii kan dii dwuma wo Twere Kronkron no mu wo bere a na woretwere Yesu Aɛmpa ahodoɔ no. Yehunu asɛmfua “asɔre” mpɛn aduɔson nkron (79) wo Twere Kronkron no mu a Apam Foforo no mu na ne nyinaa wo. Greekifoɔ asɛmfua a asekyere ne “church” wo Borɔfo kasa mu na aseɛ kyere se “asɔre” wo Asante Twi kasa mu no ne ekklesia. Ekklesia abɔsee firi Borɔfo kasa nɛmfua mmieniu mmieniu yeinom mu “calling out” to “assemble together” a aseɛ kyere se “ɔfrɛ” ne “nhyiamu” wo Asante Twi kasa mu. Yei asekyere nyinaa ne se, Asɔre no ye nnipa a “woayi won afiri ewiase ne bone mu” se woye Yesu Kristo dea no. Onyankopon nnipa “hyia mu” na afei “wotu anammɔn” wo Onyankopon din, ne suban, ne tumi ne n’ahoden mu.

Beaee a Asore no hyia

Abakosem mu no, Asoremma no ahyia wɔ mmeaee ahodoɔ no eberɛ bi mu. Na tete asore no hyia wɔ yudafoɔ hyiadan mu wɔ berɛ bi mu na afei wɔahyia wɔ afiafie mu. Ene mmere yi mu no, asore ahodoɔ bi wɔ hɔ a wɔhyia wɔ mmeaee bi a yesusu se eye asoredan mu ene mmeaee ahodoɔ bi te se edan so, nnua ase, sukuu adan mu, afiafie mu, ahohogyebɛa, sinitwabɛa ene mpo Hindufoɔ ntomadan mu!

Asore no nye beaee a nnipa twa hyia no, na mmom ene nnipa a wɔye Yesu Kristo dea a wɔtwa hyia som no. Nokorem, na asoremma no nhyia wɔ adan mu na mmom, efiri eberɛ a Ohempɔn Constantine gyee Kristosom too mu wɔ Roman Ahemman mu se ɔman no sompɔn no na wɔhyee aseɛ sisii adan a nnipa bebree tumi hyia wɔ mu kɔsom.

Beaee a wɔde asemfua Asore dii kan dii dwuma

Wɔdii kan de asemfua asore dii dwuma wɔ Mateo 16:18 hɔ. Yesu rebua Peter wɔ ne gyidie ho se ɔne Kristo no, Onyankopɔn Teasefoɔ no Ba no, ɔkaa se, *Wone Petro, Obotan, na obotan yi so na mede m'asafo besie, na tumi a ewɔ obonsam gyam no rentumi mmubu no da* (Mateo 16:18).

Yei kyere se, se onipa bi nya gyidie wɔ Awurade Yesu Kristo mu a, enam so ma obeka nnipakuo a wɔwɔ ɔman a Yesu rekyekyere mu no ho.

Ewiase afanan nyinaa mu no, agyidifoɔ binom tumi ne agyidifoɔ afoforo binom hyia wɔ asore a ewɔ wɔn mpɔtam mu som. Agyidifoɔ binom tumi tete wɔn mu hyia wɔ mmeaee ahodoɔ nanso Kristo mu deɛ, yeye onipa baako. Wɔn a Yesu begye wɔn akɔ ɔsoro ahemman mu no nyinaa beka abom na asom Onyankopɔn wɔ n'ahennie mu.

Ekwan bɛn na obi fa so bɛyɛ Asɔreba?

Kɔ a obi kɔ asɔre no nkyerɛ sɛ ɔyɛ Asɔreba kann. Yɛ a obi yɛ panin wɔ ne mpɔtam asɔre mu no nkyerɛ sɛ ɔyɛ Kristo de san yɛ Kristo dea. Yɛ a w'awofɔɔ ne wo nananom yɛ Akristofɔɔ na wɔsan yɛ asɔremma no nkyerɛ sɛ wowɔ wɔn gyidie no bi. Asemmissa no ne sɛ, w'ankasa wowɔ gyidie wɔ Yesu Kristo mu a enam so ama woabeyɛ ne dea anaa?

Nokorɛ Asɔre no ne asɔre a emu nnipa no anya adwensakra, na wɔagyɛ Yesu Kristo adi, na wɔawo wɔn awofɔforɔ, na enam so ama woabeyɛ Yesu Kristo dea.

Asɔre no ho mfonɛ bebree na ɛwɔ Twɛrɛ Kronkron no mu a ɛboa ma yen nteaseɛ wie pɛyɛ. Emu bi na ɛdidi sɔɔ yi:

Nipadua

Osan nso twɛrɛ biribi fa nipadua no ho kɔma Asɔre a ɛwɔ Korinto no. *Kristo te sɛ nipadua baako a ɛwɔ akwaa bebree; ɛwom sɛ ɛwɔ akwaa bebree, nanso ɛyɛ onipadua korɔ no ara* (1 Korintofoɔ 12:12).

Osomafoɔ Paul twɛrɛ kɔma Efeso asɔre no sɛ, *Onyankopɔn de biribiara hyɛ Kristo nan ase, na ɔde no aye nneɛma nyinaa ti ama asafo no a ɛne ne onipadua. Ono ne dee ɔhyɛ adeɛ nyinaa ma wɔ akwan nyinaa mu* (Efesofoɔ 1:22-23).

Ɛwom sɛ nipadua wɔ afa ahodoɔ, nanso afa ahodoɔ no nyinaa ka bom yɛ nipadua baako, na saa ara na ɛtee wɔ Kristo mu. Yei nyɛ serewa bi kɛkɛ na mmom ɛyɛ nokwasɛm ankasa. Yei san kyere yen hia a ɛho hia sɛ yɛka yen ho bom yɛ adwuma, mma yennko ntia yen ho yen ho wɔ berɛ a yehyɛ Yesu nsa na ɔyɛ yen kannifoɔ. Wontumi nkyekyɛ nipadua mu na ɛnsɛ sɛ wokyekyɛ nipadua mu nso.

Nipadua afa no biara dwumadie boa ma nipadua no nyinaa nya ahɔɔden san tumi nyini yie. 1 Petro 4:10-11 says, *Honhom mu adom a obiara anya no, ɔnniyina so mfa nsom afɔforɔ. Sɛ obi reka asem a, ɔnka Onyankopɔn asem.*

Obiara a osom no, omfa ahoođen a Onyankopon de ama no no nsom sedee biribiara mu, wobefa Yesu Kristo so akamfo Onyankopon a animuonyam ne tumi wo no daadaa no. Amen.

Kristo Ayeforo

Osomafo Paul de yei toto ayeforo ho wo Efesofo 5:25-27, *Okununom, monnodwo mo yerenom sedee Kristo daw asafo no na ode ne kra too hwo maa no, na onam asem no so de, nsuo dwaree no yee no kronkron de maa ne ho se asafo a ehyeren, a enni nkekaawa anaase mponponoye anaase edem biara, na mmom eye kronkron a enni sintwo.*

Yesu hyee n'asuafo no bo wo Yohane 14:2-4 se, oreko osoro ahemman mu akosiesie tenabea ama won. Osan hyee bo se, obesan aba da koro abefa yen ako ne nkyen. Esiane se na Yesu ye Jewni nti, na anka ese se n'asuafo no te no ase se, na ode Hebri awaree mu kasa ne mu mfonni na eredi dwuma.

Ansa na Jewni baa ne Jewni barima beware no, gye se barima akope beaee a one ne yere no betena ansa, na mpen pii no, etaa ye edan a osi bata ne papa dee ho. Saa bere yi mu no, na obaa no reboaboa ne ho atwen "eda kese" no. Na ese se obaa no ye krado bere biara efiri se, na obarima no betumi abefa no ako! Na obaa ne obarima no nhye eda a wode beware no nto hwo, na mmom, na egyina eberere biara a papa no beye krado so.

Saa na etee, ese se yeye krado wo bere biara mu ma Yesu mmaee no. Yen adwuma ne se yebesiesie yen ho wo asase yi so ne no akotena wo mmere a enni awiee. *Enti, monwen efiri se, monnim da ko a Awurade beba. Sedee onipa tumi wen de bo ne ho ban firi akoromfo ho no, saa ara na ewo se mosiesie mo ho, efiri se Onipa Ba no beba eberere a mo ani nna so se obeba* (Mateo 24:42-44).

Ɛse sɛ yɛnya gyidie wɔ ne mu, som no na yeye nnwumapa wɔ ne din mu de ye krado twen no. *Onyankopɔn na waye yen sedee yetee yi. Onam Kristo so bɔɔ yen sɛ yem-mɛ ye nnwuma pa a wasiesie ato hɔ no* (Efesofɔ 2:10).

Abusua

Wɔtaa ka sɛ Asore no ye Onyankopɔn efie, anaase Onyankopɔn abusua, enna wɔka sɛ yen nso yeye Onyankopɔn mma!

Galatifoɔ 6:10 ka sɛ, *Enti, mmere dodoɔ a yewɔ akwannya no, ɛse sɛ yeye obiara papa, ne titire no, wɔn a yene wɔn bɔ agyidifoɔ abusua.*

Efesofɔ 2:19 de bi ka ho sɛ, *Enti seesei, monnye ahɔhɔɔ ne amanfrafoɔ bio, na mmom mo ne Onyankopɔn nkurɔfoɔ no ye nnipa korɔ na mofra Onyankopɔn abusuafoɔ no mu.*

Galatifoɔ 3:26-28 kyerekyere mu sei, *Enam gyidie so enti na mo nyinaa ye Onyankopɔn mma a mo ne Kristo Yesu aka abom no. Wɔbɔɔ mo asu hyee Kristo mu enti, moafa Kristo mu nnepa no ato mo ho so. Yenni Yudani anaa Helani, yenni akoa anaa ɔdehyee, yenni ɔbarima anaa ɔbaa, na mo nyinaa ye onipa korɔ wɔ Kristo Yesu mu.*

Wɔagyɛ nokore agyidifoɔ bi akɔka Onyankopɔn abusua no ho ama wɔabɛka Onyankopɔn efiefoɔ no ho. Abusuabɔ biara nni hɔ a ɛkyen yei. Yerehunu Onyankopɔn sɛ yen Agya no nye ade titire bi na mmom ɛma yeye anuanom wɔ Kristo mu. Onyankopɔn abusuabɔ yi boro onipa dee so. Ɛye sennahɔ a ɛfiri tete nteredee.

Nokore Nnyinasɔɔ ne ne Fapem

1 Timoteo 3:15 ka kyere yen sɛ, *...na sɛ mannuru wo nkyen ntem a, saa nwoma yi bema woahunu sedee yebɔ yen bra wɔ Onyankopɔn fie. Efie a ɛye Onyankopɔn teasefoɔ no asafo a ɛye nokore no nnyinasɔɔ.*

Nnadee a yede sisi ho ansa na yeasi edan asi soo no na eboa ma edan tumi gyina. Edan fapem ho hia pa ara. Se nnadee no mu ye mmere na se wɔanto fapem no yie a, edan ana efi no nyinaa betumi abu agu fam. Esee se Asore no tumi ka na osan nso tumi di Onyame asem so ma oye nkyene ne kanea a ese se Asore no ye wo ewiase yi mu no. Asore no na eyee nnyinasoo ne fapem ma nokoredie wo ewiase yi a atorofosem ahye ma yi.

Oman

1 Petro 2:9 ka kyere yen se, *Na mo dee, moye nnipa a wɔayi mo, se ohene asofoo, oman kronkron, Onyankopon ankasa nkurɔfo...*

Asore no ye Kristo akyidifoo oman. Asore no ye nni-pakuo, se wɔdɔso anaase wɔsua a Yesu afre won na woye ne dea. Ewom se yetete amanaman mu wo asase yi so dee, nanso yen nkyi pa ara dee, ene osoro ahemman mu! Filipifoo 3:20 kae yen se, *Yen dee, yeye osoro mma na yede ahosepe twen yen Agyenkwa a oye yen Awurade Yesu Kristo ...* Asore no ye Yesu oman!

Honhom mu Asraafoo

2 Timoteo 2:3 ho no, Osomafooo Paul twere koma ne suani Timoteo se, *Se amanehunu ba wo so a, mia w'ani tena se Kristo Yesu sraani pa.*

Oko so ka asem koroo no ara ho asem wo 2 Korintofoo 10:3-5 se, *Eye nokore se, yete ewiase, nanso yennyina wi-asesem so wo yen ko mu. Akodee a yede ko no mfiri ewiase. Eye Onyankopon akodee a ano ye den a yebetumi de assee atamfoo mpampim a wɔabobo. Yesee akyinnyehunu. Yesee akwansidee biara a etia Onyankopon ho nimdee no. Yeto adwene biara nnareka ma wotie Kristo.*

Paul nso twere komaa Efeso asore no ka kyeree won se, *Dee etwa too ne se, monye den wo ne ne tumi kesee no*

mu. Monhye Onyankopɔn akodee nyinaa na moatumi agyina ɔbonsam nhyehyeee ano. Efiri sɛ, enye yene mogya ne honhom na anya, na mmom, yene mpaninnie ne tumidie ne ewiase yi sum mu atumfoɔ ne ahonhommɔne a ewɔ soro ho na anya.

Yei enti, monhye Onyankopɔn akodee nyinaa, na sɛ da bɔne no ba a, moatumi agyina, na mowie biribiara a, moagyina pintinn. Enti monnyina pintinn, na momfa nokore mmɔ mo asene, na monhye tenenee nkataboɔ, na momfa Asempa no asomdwoee no nhyehye mo nan.

Yeinom nyinaa akyi no, momfa gyidie kyem, dee mode bedum ɔbɔnefoɔ bema a eredere no. Momfa nkwagyee dadee kye ne Honhom no akofena a eye Onyankopɔn asem no. Eberɛ nyinaa mu mommɔ mpaee wɔ Honhom mu, mpaebɔ ahodoɔ ne nkotosre mu. Yei enti monna mo ho so, na mommɔ mpaee mma ahotefoɔ (Efesofoɔ 6:10-18).

Enye yene nnipa na ereko. Yen ko no ye honhom mu ko a yereko atia ɔbonsam ne n'ahonhommɔne no. Ekwan a yefa so ko no nte sɛ ewiase dee no a wɔde akodee a nni-pa aye na eko no; na mmom, yede Onyame asem ne yen nkotodwe anim mpaebɔ na eko! Asɔre no ye honhom mu asraafoɔ agyidifoɔ a daa ne daa nyinaa, wɔhye Onyame akotadee na wɔde honhom mu akodee a ɔde ama yen no di dwuma sedee ebeye a afoforo behunu sɛ, ahofadie wɔ Yesu mu!

Honhom mu edan ne asɔfo kronkron

1 Petro 2:4-5 ho no, yekankanee biribi sɛ, Mommra Awurade a ɔye ebɔɔ a nkwa wom no nkyen. Ono na nnipa poo no, na Onyankopɔn yii no sɛ n'adee a esom bo. Mo nso mote sɛ aboɔ a nkwa wɔ mu a wɔde mo resi edan a honhom ahye no ma. Ehɔ na mobesom sɛ asɔfoɔ Kronkron a monam Yesu Kristo so bebɔ honhom mu afɔdee a edi mu ama Onyankopɔn.

Moses mmara mu no, na ese se Israelfoɔ de mmoa ne afɔrebɔdeɛ ahodoɔ ma Onyankopɔn. Na wɔayi Levi Abusua no asi hɔ se ɔman no nyinaa asɔfoɔ. Na ese se wɔdi wɔn asɔfosem no wɔ asɔredan a na wɔayi asi hɔ som Onyame wɔ mu ankasa mu. Eho na na wɔsusu se Onyankopɔn wɔ.

Nanso, seesei deɛ, apam foforo a Yesu ne yen ayɛ no nti, yen, Onyame mma, na yeyɛ asɔredan no, honhom mu edan no mu na eyɛ Onyankopɔn tenabea! 1 Korintofɔɔ 6:19 ka se: *Monnim se mo onipadua no ye Honhom Kronkron a ɔte mo mu, a Onyankopɔn na ɔde maa mo no asɔredan?*

Enti seesei, yeyɛ Onyankopɔn asɔredan, ne efiefɔɔ ne asɔfoɔ yi, ese se, “yefa Yesu Kristo so bɔ honhom mu afɔdeɛ a ebɛɔ Onyame ani ma no.” Yen nkwa ne yen nipadua, yen nkamfoɔ ne yen aseda, nneɛma a yede ma, papa a yeyɛ ne mmoa a yede boa yen ho yen ho ne deɛ yede boa afoforo nyinaa ka honhom mu afɔrebɔ no ho.

Romafoɔ 12:1 hye yen nkuran se, *Eno enti, anuanom, esiane Onyankopɔn ahummɔborɔ enti, mehyɛ mo se momfa mo onipadua mmɔ afɔdeɛ a eyɛ kronkron na esɔ Onyankopɔn ani. Yei ne nokwasem a ese se mosɔ mu.*

Hebrifoɔ 13:15-16 toa so se, *Momma yemfa Yesu so mfa yen anofafa nkamfo Onyankopɔn din daa se yen afɔrebɔdeɛ. Mommma mo were mfiri se mobeyɛ mo ho mo ho papa aboaboa mo ho mo ho, efiri se, eno ne afɔrebɔ a esɔ Onyankopɔn ani.*

Asore no botaeɛ

Bɔ Onyankopɔn Nkamfoɔ no ho Dawuro: ɔsom

Wɔada botaeɛ no adi pefee wɔ 1 Petro 2:9-10 se, *Na mo deɛ, moye nnipa a wɔayi mo, se ɔhene asɔfoɔ, ɔman kronkron, Onyankopɔn ankasa nkurɔfoɔ a wɔayi mo se monka n'anwanwadwuma no ho asem. ɔno na ɔfɔre mo firi sum mu baa n'ankasa hann nwanwaso no mu. Nna bi a atwam no, na monye Onyankopɔn nkurɔfoɔ nanso afei, moye*

ne nkurɔfoɔ; nna bi a atwam no na monnim Onyankopɔn ahummɔborɔ no, nanso seesei, moanya n'ahummɔborɔ no.

Asore no ye osoro ahemman mu som no ho mfonɔ ketewa bi a ewɔ asase yi so (Yohane Adiyisem 4-5). Osoro ahemman mu som no nye dee yede da yen nkamfoɔ adi, na mmom yede da Onyankopɔn nkamfoɔ adi. Adeɛ titire a yede ye ne se, yede kamfo Onyankopɔn wɔ n'ahummɔborɔ a ɔde ma yen wɔ Kristo mu. Ekae yen na esan nso di Kristo wu a owu de ne mogya gyee yen firii bone mu no ho adanseɛ.

Ese se Asore no da papa, adom, ahummɔborɔ ne ɔgyee a ewɔ Yesu Kristo mu no adi na osan bɔ ho dawuro. Ese se ɔma asasesofoɔ nyinaa hunu ɔne n'animuonyamhye no. Eɛse se osom ye adeɛ a eho hia pa ara wɔ Onyankopɔn mma abrabɔ mu wɔ bere a wɔahyia mu. Yekae Kristo nipaban, n'ayɔnkofa, ne tumi ne ne nneɛma a ɔde ma yen.

Bɔ mpaɛɛ

Kolosefoɔ 4:2 ka se, *Mommɔ mpaɛɛ daa. Monye nnam wɔ mo mpaɛɛbɔ mu na monna Onyankopɔn ase.*

1 Timoteo 2:1-6 ka se, *M'afotuo ne se, dee edi ekan no, mehye mo se monsre, mommɔ mpaɛɛ, mommisa na monna Onyankopɔn ase mma nnipa nyinaa; monye saa ara mma ahemfo ne wɔn a tumi hye wɔn nsa nyinaa na yeatumi atena ase asomdwoee mu wɔ onyamesom ne suban pa mu. Yei ye, na esɔ Onyankopɔn a ɔye Agyenkwa a ɔpe se wɔgye nnipa nyinaa nkwa na wɔhunu nokore no ani. Onyankopɔn baako ne ntamgyinafoɔ baako a ɔka Onyankopɔn ne nnipa bom no, ɔno ne Kristo Yesu no. ɔno na ɔde ne ho bɔɔ afɔdee de gyee nnipa nyinaa nkwa no. Yei ye adansedie a ebaa eberɛ a ese mu se Onyankopɔn pe se wɔgye nnipa nyinaa nkwa.*

Ese se Asore no ma mpaebɔ ye adee a edi kan a eho hia wɔn pa ara. Ese se yebɔ mpaee eberɛ biara fa nneema nyinaa ho na yehyia mu bɔ mpaee se asore.

Ma Onyankopɔn nyansa nna adi

N'atirimpɔ ne se afei ɔnam asore no so beda ne nyansa a emu dɔ no adi akyere ewiem mpaninnie ne atumfoɔ, sedee ɔnam yen Awurade Kristo Yesu so wiee ne botaae a ewɔ hɔ daa no (Efesofɔɔ 3:10-11).

Asore no ye ekwan a wɔfa so da Onyankopɔn akwan ne ne nyansa adi. Enam Asore no so na, (wɔn a Kristo agye wɔn) yehunu na yesan te Onyankopɔn nyansa dodoɔ no ase.

Hwehwe Yesu akyidifoɔ na kyerekyere wɔn

Yesu kaa se, Wɔde ɔsoro ne asase so tumi nyinaa ama me. Enti, monkwɔ nkɔye amanaman nyinaa m'asuafoɔ. Mommɔ wɔn asu nhye Agya, ɔba ne Honhom Kronkron din mu, na monkyerekyere wɔn se, wɔnni dee mahye mo no nyinaa so. Na me ne mo wɔ hɔ nna nyinaa de bekɔ akɔsi ewiase awiee (Mateo 28:18-20).

ɔsomafoɔ Paul atwere no wɔ Efesofɔɔ 4:11-16 se, *ɔno na ɔmaa ebinom yee asomafoɔ, afoforɔ yee adiyifoɔ, afoforɔ yee asempakafoɔ, na afoforɔ nso yee asafoɔ ne akyerekyerefoɔ. ɔyee yei de siesiee Onyankopɔn nkurɔfoɔ nyinaa maa ɔsom nnwuma, sedee Kristo onipadua no nyini bekɔ so kɔsi se yen nyinaa benya gyidie baako ne Onyankopɔn Ba no ho nimdee baako, na yeawie nyini wɔ Kristo maye mu.*

Yerenye mmɔfra bio, wɔn a asorɔkye bɔ wɔn kɔ dee epe, na nkyerekyere mframa biara de wɔn di akɔneaba na nni-pa bradɛtofoɔ ne anifirefoɔ daadaa wɔn. Mmom, se yetena ase nokore ne ɔdɔ honhom mu a, yebenyini wɔ Kristo a ɔye asafo no Ti mu.

Ne mu na honam akwaa ahodoɔ no soso wɔn ho wɔn ho mu. Ne mu na obiara ye n'adwuma na onipadua no nyini ahooɔden so wɔ ɔdo mu.

Ɛsɛ sɛ Asore no ba na ɛsan kɔ. Ɛsɛ sɛ “ɔba” bɛka bom hye wɔn ho wɔn ho nkuran, tutu wɔn ho wɔn ho fo, siesie wɔn ho san nya tumi sɛdeɛ ɛbeyɛ a wɔbetumi anyini ahooɔden ne nyansa mu. Ɛsɛ sɛ “ɔko” na ɔkɔhwehwe afoforo ma wɔn nso bɛdi Yesu Kristo akyi. Ɛsɛ sɛ Asoremma no di kan ye Yesu akyidifoɔ na wɔn nso atumi anya afoforo ama wɔabedi Yesu akyi. Yesu akyidini ye obi a ɔresua Yesu anaa ɔdi Yesu anammɔn so sɛdeɛ ɛbeyɛ a ɔno nso beyɛ te sɛ Yesu. Sɛ wode wo ho ma Kristo a, wo nso wobetumi ama afoforo abeyɛ sɛ Kristo!

Sua akontabuo na di asore no ahohyesoɔ mmara so

Yɛkenkanee wɔ Mateo 18:15-20 sɛ, *Se wo nua fom wo a, kɔ ne nkyɛn na wo ne no baanu no nka deɛ ɔyɛɛ wo a ɛnye wo de no. Se ɔtie deɛ woka no, na ɔte ne ho ase a, onua aye onua. Na sɛ wantie nso a, sane fa onipa baako anaa baanu ka wo ho kɔ ne nkyɛn, na deɛ ɛbesi biara no, nnipa baanu anaa baasa adi ho adanseɛ. Se wantie wo a, fa asem no kɔma asafo. Na sɛ wodi bem asafo no anim, na ɔnte ne ho ase ara a, asafo no mpam no mfiri wɔn mu.*

Mereka akyerɛ mo sɛ, biribiara a mokyekyere wɔ asase so no, wɔakyekyere wɔ ɔsoro, na biribiara a moasane wɔ asase so no, wɔasane wɔ ɔsoro.

Meresane aka akyerɛ mo bio sɛ, se mo mu baanu biara a wɔte asase yi so hwehwe biribi na wɔde nokorɛ bisa m'agya a ɔwɔ ɔsoro no a, ɔbeyɛ ama wɔn. Na deɛ baanu anaa baasa ahyia wɔ me din mu no, na mewɔ wɔn mfimfimi.

Ɛsɛ sɛ asore no hwe ma obiara ye di mmara so ye n'adeɛ pɛpɛpɛ sɛdeɛ ɛsɛ. Ɛnsɛ sɛ wɔsoso bɔne so wɔ yen abrabo anaa asore no mu. Ɛsɛ sɛ, se obi ye bɔne a, wɔfa nhyehyɛɛ a Yesu aye afa bɔne ho asotwe no so twe onii korɔ no aso.

Yeyε Onyankopɔn mma ne n'ananmusifoɔ yi, εse se yetumi di Kristo ho adanseε kyere ewiase nyinaa.

Yesu hye yen bɔ se, se yetumi kasa kyere yen ho yen ho ma yeda subanpa adi na se yeyi bɔne firi yen abrabɔ ne Asore no mu a, ne nhyira ne n'ahoɔden beba yen so. Se yeantumi anye yei deε a, eremma Asore no adansedie no mma mu na yei bema afoforɔ atweetwee yen a eremma mfasoɔ biara mma yen dwumadie no so.

Adonneε Kronkron no

Twerεsem no kyere yen se, nneεma mmienu na εho hia se wɔn a wɔgye Kristo di no ye. Dee εdi kan no ne asubɔ enna deε εtɔ so mmienu ne Awurade Adidi.

Asubɔ

Yesu ka kyereε n'asuafoɔ no wɔ Mateo 28:18-19 se, *Wɔde ɔsoro ne asase so tumi nyinaa ama me. Enti, monkɔ nkɔye amanaman nyinaa m'asuafoɔ. Mommɔ wɔn asu nhye Agya, ɔba ne Honhom Kronkron din mu ...*

Asubɔ ye setie nneyεε a yeda no adi kyere Kristo na esan nso ye adansedideε se yeyε ne dea. Ema yenya kyefa wɔ ne wusoreε no mu na esan nso ye owuo a anka yerewu ama bɔne sedεε Kristo wu maa yen bɔne no ne te a seesei yete ase wɔ nkwa foforo mu sedεε Kristo nyane firii awufoɔ mu baa nkwa foforo mu no ho mfoɔni! Romafoɔ 6:3-4 ka se, *Anaa monnim se eberε a wɔbɔɔ yen asu hyεε Kristo Yesu mu no, wɔbɔɔ yen asu hyεε ne wuo mu? Eberε a wɔbɔɔ yen asu no, yewuie, na wɔsieε yen ne Kristo. Sedεε Agya Onyankopɔn nam n'animuonyam so nyanee Kristo firii awufoɔ mu baa nkwa mu no, saa ara nso na seesei yete ase wɔ nkwa foforo mu.*

Asubɔ ne se wodi w'ankasa gyidie akyi wɔ Awurade Yesu Kristo mu. Sedεε nhyehyεεε no si tee wɔ Apam Foforo no mu ne se, deε εdi kan no, εse se onipa no nya

Kristo mu gyidie ansa na wɔabɔ no asu. Nhwesoo, eberɛ a na Osomafoɔ Paul rekyɛ Asempa no wɔ Asomafoɔ 18:8 ho no, ɔkaa sɛ, *Saa ara nso na Korintofɔɔ bebreɛ a wɔtee Awurade asem no nso gye diie maa wɔbɔɔ wɔn asu.*

Awurade Adidi

Osomafoɔ Paul twerɛ wɔ 1 Korintofɔɔ 11:23-26 sɛ, *Awurade nkyen na menya nkyerekyerɛ a mekyerekyerɛ mo no sɛ, Awurade Yesu, anadwo a wɔyii no maeɛ no, ɔfaa burodo na ɔdaa Onyankopɔn ase no, ɔbuu mu kaa sɛ, “Yei ne me onipadua a mede ma mo. Monye yei mfa nkae me.” Saa ara na Adidi no akyi no, ɔfaa kuruwa na ɔkaa sɛ, “Saa kuruwa yi ye Onyankopɔn apam foforo a wɔde me mogya ahye mu den. Eberɛ biara a mobenom no, momfa nkae me.” Eberɛ biara a mobedi burodo no na mobenom kuruwa no ano no, monka Awurade wuo no ho asem kɔsi sɛ ɔbeba.*

Awurade Adidi kae yen Yesu wuo a ɔwuu wɔ asennua no so de yɛɛ yen bɔne ho mpatadeɛ no. Eboa ma yɛkae no eberɛ biara san kae deɛ ɔye maa yen no nso.

Ayɔnkofa bɛn na esɛ sɛ ɛda me ne afoforoɔ ntam wɔ Asore no mu?

Fa ɔɔ, enidie ne ahobreaseɛ ma afoforoɔ wɔ Kristo mu

Momfiri anidie a mowɔ ma Kristo mu mmre mo ho ase mma mo ho mo ho (Efesofɔɔ 5:21).

Monsom mo ho mo ho

Asafo no mu, yen nyinaa ye anuanom wɔ Kristo mu. Romafoɔ 12:6-8 ka sɛ, *Yewɔ akyedee ahodoɔ sedee wɔde adom yen no. Sɛ obi akyedee ye nkɔmhye a, ma ɔnnyina ne gyidie so mfa nye adwuma. Sɛ eye ɔsom a, ma ɔnsom; Sɛ eye nkyerekyerɛ a, ma ɔnkyerekyerɛ; Sɛ esɛ sɛ yehye afoforoɔ nkuran a, esɛ sɛ yeye saa; sɛ eye mmoa a ɔde boa afoforoɔ a,*

ma omfiri akoma pa mu nye; se eye akwankyerɛ a, ma no mfa nsi nye; se eye ayamyɛ a, ma omfa anigyɛɛ nye.

1 Korintofɔ 12:27-28 hɔ no, saa asentitire yi toa so se, *Enti mo nyinaa moyɛ Kristo onipadua. Na mo mu biara yɛ n'akwaɛ. Onyankopɔn ahyehyɛ biribiara pɛpɛɛpɛ wɔ asafo no mu: Dee edi ekan, asomafɔ; dee etɔ so mmienu, adiyifɔ; dee etɔ so mmiensa, akyerɛkyerɛfɔ; afei wɔn a wɔyɛ anwanwadeɛ enna wɔn a wɔama wɔn tumi de sa yadeɛ anaa wɔboɛ afɔforɔ anaa wɔkyerɛ wɔn ekwan anaa wɔka kasa fɔforɔ.*

1 Korintofɔ 13 kɔ so kasa fa dee enti a eho hia se ɔɔ di yen akoma ne Asore no so wɔ bere a yede honhom akyedee no redi dwuma ho. Se ɔɔ nni hɔ a, pɛsemenkomenya, basabasayɛ, aniberebereɛ, mente-me-ho-ase ne ohaw ahodoɔ na eba.

Akannie

Onyankopɔn ma Asafo no akannifɔ. Hebrifɔ 13:17 ka se, *Montie mo mpanimfɔ na monni wɔn asem so. Esiane se ese se wɔbu wɔn adwuma ho akonta enti, wɔhwɛ mo kra so a wɔnhome koraa. Se motie wɔn a, wɔde anigyɛɛ beyɛ wɔn adwuma. Se anyɛ saa a wɔde awerehoɔ beyɛ adwuma no na eremmao mo.*

“Mo ho mo ho” a εwɔ Apam Fɔforɔ mu

1. *Momfiri mo akoma nyinaa mu nnodɔ mo ho mo ho* (1 Petro 1:22).
2. *Momfa onuadɔ nnodɔ mo ho.* (Romafoɔ 12:10).
3. *Monni afɔforɔ ni nsen mo ho* (Romafoɔ 12:10).
4. *Mo ne afɔforɔ ntena asomdwoeɛ mu.* (Romafoɔ 12:16).
5. *Eno enti, momma yennyayɛ yen ho yen ho atemmuo* (Romafoɔ 14:13).

6. *Momma mo ho nka mo ho mo ho mfa nhye Onyankopɔn an muonyam sedee Kristo agye mo no* (Romafoɔ 15:7).
7. *Momfa nyansa nkyerekyerɛ.* (Kolosefoɔ 3:16).
8. *Da biara mommoaboa mo ho mo ho* (Hebrifoɔ 3:13).
9. *Monhye mo ho nkuran* (1 Tesalonikafoɔ 5:11).
10. *Se mohyia se morekɔ Awurade Adidi no a, montwen mo ho mo ho* (1 Korintofoɔ 11:33).
11. *Nkyekyemu biara nni onipadua no mu* (1 Korintofoɔ 12:25).
12. *Momfa dɔɔ nsom mo ho mo ho* (Galatifoɔ 5:13).
13. *Ense se yehoahoa yen ho, yi yi yen ho yen ho abufuo, ana yema yen ani bere yen ho yen ho* (Galatifoɔ 5:26).
14. *Monsoa mo ho mo ho nnesoa* (Galatifoɔ 6:2).
15. *Mommre mo ho ase koraa na monnwɔ; monto mo bo ase, na mone obiara ntena wɔ dɔɔ mu* (Efesofɔɔ 4:2).
16. *Monye ayamye mma mo ho mo ho, mo yam nhyehye mo mma mo ho mo ho* (Efesofɔɔ 4:32).
17. *Momfa mo mfoomsɔɔ nkyekyekyekye mo ho mo ho* (Efesofɔɔ 4:32).
18. *Momfa nnwom, ayeyie nnwom ne honhom mu nnwom nkasa nkyere mo ho mo ho* (Efesofɔɔ 5:19).
19. *Momfiri anidie a mowɔ ma Kristo mu, mmre mo ho ase mma mo ho mo ho* (Efesofɔɔ 5:21).
20. *Mommre mo ho ase mma mo ho mo ho na mommu mo yɔnkonom nsene mo ankasa mo ho* (Filipifoɔ 2:3).
21. *Monnnidi atorɔ nkyere mo ho* (Kolosefoɔ 3:9).
22. *Mommoaboa mo ho mo ho* (Kolosefoɔ 3:13).
23. *Awurade mma mo dɔɔ mu nye den mmoro so wɔ mo ho mo ho ne afoforɔ mu* (1 Tesalonikafoɔ 3:12).
24. *Momma yen ho yen ho asem nhia yen na yennodɔ yen ho yen ho na yenye papa* (Hebrifoɔ 10:24).

25. *Me nuanom, monnnidi mo ho nsekuro* (Yakobo 4:11).
26. *Monni nsekuro ntia mo ho mo ho* (Yakobo 5:9).
27. *Monkeka mo bɔne nkyere mo ho mo ho* (Yakobo 5:16).
28. *Mommobɔ mpaɛɛ mma mo ho mo ho* (Yakobo 5:16).
29. *Monnye mo ho ahɔhɔ wɔ mo afie mu a huhuhuhu biara nni akyire* (1 Petro 4:9).
30. *Honhom mu adom a obiara anya no, ɔnnyina so mfa nsom afoforɔ* (1 Petro 4:10).
31. *Mo nyinaa mfa ahobreaseɛ nkatanimu mmɔ mo asene na monsom mo ho mo ho* (1 Petro 5:5).
32. *Monhohoro hohoro mo ho mo ho nan ase* (Yohane 13:14).

Nneɛma a yehunu wɔ Asore a ahɔden wɔ mu ho

Yohane Adiyisem Nwoma no mu, ti 2-3 ho no, Yesu de amannebɔ nsem pɔtee bi soma Ɔsomafoɔ John kɔma asore nson a na ɛwɔ ho wɔ ne bere soɔ no. Se yehwe nkrataa nson a ɔtwere kɔmaa asore nson no mu a, yebɛhunu nsonsonoeɛ a ɛda Asore a ahɔden wom ne dee ahɔden nni mu ntam. Sei na ɛka:

Twere krataa yi kɔma ɔbɔfoɔ a ɔtua Efeso asafo no ano, na ka kyere no se: Yei ne nsem a ɛfiri obi a ɔkura nsoromma nson wɔ ne nsa nifa mu a ɔnante wɔ sika nkaneadua nson no ntam no. Menim dee woaye. Menim nsi a wode aye adwuma ne boasetɔ a wowɔ. Menim se wonnye nnebɔneyefoɔ, na afei woasɔ wɔn a wɔka se wɔye asomafoɔ nanso wɔnnye bi no ahwe, na woahunu se wɔye atorofoɔ. Wowɔ boasetɔ, na me enti, woahunu amane bebreɛ, nanso wompaa aba.

Nanso, dee mewɔ tia wo ne se, wonnɔ me, sedee kan no na wodɔ me no. Hunu ba a woaba fam no. Te wo ho firi bɔne ho na ye sedee kane no na woye no. Se woantwe wo ho amfiri wo bɔne ho a, meba wo nkyen na mabeyi wo kaneadua no

afiri ne siberɛ. Nanso, deɛ eyɛ wɔ wo ho ne sɛ, wokyiri deɛ Nikolaifoɔ no ye no, na saa ara na me nso mekyiri.

Deɛ ɔwɔ aso no ntie deɛ Honhom no ka kyere asafo ahodoɔ no bi. Wɔn a wɔadi nkonim no, mɛma wɔn tumi na wɔadi nkwadua a ɛwɔ Onyankopɔn paradise hɔ.

Twere krataa yi kɔma ɔɔfoɔ a ɔtua Smirna asafo no ano sɛ: Saa asem yi firi Ahyɛaseɛ ne Awieɛɛ no nkyɛn. Deɛ ɔwuiɛ na ɔnyaneɛɛ no. Menim amane a wohunu maa Awurade na menim w'ahiasɛm nyinaa nso, nanso wowɔ agyapadeɛ wɔ ɔsoro. Menim nsem a wɔn a wɔsɛ wɔye Yudafoɔ nanso wɔnye Yudafoɔ no ka tia wo. Wɔye ɔbonsam apamfoɔ. Nsuro ɔhaw a erebeto wo no. Tie! Wɔde mo mu bi beto afiasɛ na ɔbonsam nam so asɔ mo ahwɛ. Na mo haw bedi dadu. Sɛ owuo mu mpo a, gye me di na mɛma wo nkwa abotire.

Deɛ ɔwɔ aso no ntie deɛ Honhom no ka kyere asafo no. Wɔn a wɔdi nkonim no renwu owuprenu.

Twere krataa yi kɔma ɔɔfoɔ a ɔwɔ Pergamo asafo mu sɛ: Saa krataa yi firi deɛ ɔwɔ akofena anofanu a eyɛ nnam no nkyɛn. Menim sɛ faako a wote no, ɛhɔ na ɔbonsam ahennwa si. Wodi me nokorɛ; na ɛberɛ a wɔkumm Antipa a ɔye ɔdanseni nokwafɔɔ wɔ faako a ɔbonsam te no mpo, woampa me.

Nanso, nneema kakra a mewɔ tia wo ne sɛ, nnipa bi a wɔdi Bileam nkyerɛkyere akyi no ka wo ho wɔ hɔ. Saa Bileam no na ɔkyerɛɛ Balak maa ɔmaa Israelfoɔ dii abosom so nnuane, kyereɛ wɔn adwamammɔ, nam so ma wɔyɛɛ bɔne no. Saa ara nso na wowɔ nnipa bi ka wo ho a wɔdi Nikolaifoɔ nkyerɛkyere akyi. Twe wo ho firi wo bɔne ho. Anyɛ saa a, ɛrenkyere biara mɛba wo nkyɛn, na mede sekan a ɛfiri m'anom no abeko atia saa nnipa no.

Deɛ ɔwɔ aso no ntie deɛ Honhom no ka kyere asafo ahodoɔ no. Mo a moadi nkonim no, mɛma mo mana a ahinta no bi. Afei, mɛma wɔn mu biara ɛboɔ fitaa a

wɔatwere *din* foforo wɔ so a obiara nnim, gye onipa a wɔde bema no.

Twere krataa kɔma ɔɔfoɔ a ɔwɔ Tiatira asafo mu se: Yei ne asem a efiri Onyankopɔn Ba no a n'ani dere se ogyɛframa a ne nan ase hyeren se ayowaa no nkyen. Menim dee woye. Menim wo dɔ, wo gyidie, wo som ne boasetɔ a wowɔ. Menim se woreye adwuma sene kane no.

Nanso dee mewɔ tia wo ne se, wogyee ɔbaa bi a ne *din* de Isabel, a ɔfre ne ho, Onyankopɔn odiyifoɔ no too mu. Saa ɔbaa yi kyerekyere, na ɔdi m'asomafɔɔ anim ma wɔbɔ adwaman di abosom aduane. Mama no eberɛ se ɔnnu ne ho mfiri ne bɔne mu, nanso ɔmpɛ se ɔsakyera firi n'adwammam mu. Eno enti, se wɔansesa amfiri amumuye a wɔne no yeeɛ no mu a, meto no ahwe mpa so na ɔno ne wɔn a wɔsee awadeɛ no ahunu amane a ano ye den yie. Afei, mɛkum n'akyidifoɔ no, na asafo no nyinaa behunu se mene obi a mehunu nnipa adwene mu ne wɔn akɔnnɔ. Dee mo mu biara yeeɛ no, metua no so ka pɛpɛpɛ.

Nanso, momu bi a mowɔ Tiatira no nni saa nkyerekyere bɔne no akyi. Monsuaa dee afoforo fre no "Obonsam asu-mansɛm" no. Meka mekyere mo se, meremfa adeso a foforo biara nto mo so. Na monso dee mowɔ no mu denden kɔsi se mɛba.'

Wɔn a wɔdi nkonim na wɔkɔ so ye dee mepɛ kɔsi awieeɛ no, mede tumi korɔ no ara a menya firii m'Agya hɔ no bema wɔn. Mema wɔn aman so tumi na wɔde dadeɛ poma adi wɔn so na wɔabobɔ wɔn se nkukuo. Afei, mede anɔpa nsoromma bema wɔn.

Dee ɔwɔ aso no ntie dee Honhom no ka kyere asafo no.

Twere krataa yi kɔma ɔɔfoɔ a ɔwɔ asafo a ɛwɔ Sardi no se: Yei ne asem a efiri dee ɔwɔ Onyankopɔn ahonhom nson ne nsoromma nson no nkyen. Menim dee woreye. Menim se woagye *din* se wote ase, nanso woawu. Enti nya-ne, na kanyane dee aka wo nkyen no na anwu koraa. Efiri

se, mahunu se dee woaye no nya nnii mu wɔ Onyankopɔn anim. Kae dee wɔkyerɛ wo no ne sedee wotee no. Di so na tɔe wo ho firi wo bɔne ho. Se woankanyane wo ho a, meba wo so se ɔkorɔmfɔɔ, na worenhunu eberɛ ko a meba.

Nanso, mo mu kakra bi a wɔwɔ Sardi no mfaa ewiase nkekae nkekaa wɔn ntadee mu. Wɔne me benante a wɔhye ntadee fitaa, efiri se, ese wɔn se wɔye saa. Deɛ ɔbedi nkonim no, wɔbehye no atadee fitaa, na merentwa ne din mfiri atasefɔɔ nwoma no mu. Na meda ne din adi wɔ m'Agya no ne n'abɔfɔɔ anim se ɔye me dea. Deɛ ɔwɔ aso no ntie deɛ Honhom no ka kyere asafo no.

Twere krataa yi kɔma ɔbɔfɔɔ a ɔwɔ asafo a ewɔ Filadelfia no se: Yei ne asem a efiri deɛ ɔye kronkron na ɔye nokore na ɔkura Dawid safoa. no nkyen. Deɛ ɔbue a, obi ntumi nto mu na se ɔto mu nso a, obi ntumi mmue no. Menim deɛ woye. Menim se wowɔ tumi kakra. Woadi me nkyerɛkyere no so, nam so adi me nokore. Mabue epono bi wɔ w'anim a obi ntumi nto mu. Tie! Ekuo a ɔbonsam afa wɔn no, saa atorofɔɔ a wɔka se wɔye Yudafoɔ nanso wɔnye bi no, mɛma wɔaba w'anim abebu wo nkotodwe. Wɔn nyinaa behunu se medɔ wo.

Esiane se woadi me mmara so anya boasetɔ enti, se ɔhaw a ereba ewiase nyinaa de asɔ asase so nnipa nyinaa ahwe no ba a, mɛgye wo afiri mu.

Mereba nnansa yi ara. Kora w'agyapadeɛ, na obi anwia wo nkonim abotire no. Deɛ ɔbedi nkonim no, mɛye no odum me Onyankopɔn asɔredan mu, na ɔremfiri mu bio da. Metwere me Onyankopɔn din ne me Onyankopɔn kuro din a eye Yerusalem foforɔ a ebefiri ɔsoro me Onyankopɔn nkyen aba no agu ne ho. Bio, metwere me din foforɔ agu ne ho. Deɛ ɔwɔ aso no ntie deɛ Honhom no ka kyere asafo no.

Twere krataa yi kɔma ɔbɔfɔɔ a ɔwɔ Laodikea asafo mu no se: Yei ne asem a efiri Amen a ɔye ɔdanseni nokwafɔɔ a ɔye biribiara a Onyankopɔn bɔe no sodifɔɔ nkyen. Menim

dee woaye. Menim se wonye nwunu nso wonye hye. Me pe ne se, anka wobeye mu baako. Nanso, esiane se woye boturobodwo, na wonye hye na wonye nwunu enti, merebete wo se ntasuo afiri m'anom.

Woka se, 'meyer ɔdefoɔ na manya me ho na mewɔ dee ehia me nyinaa. 'Nanso, wonnim hia a ahia wo ne mmɔborɔ a woye. Woye ohiani. Woda adagya, na w'ani afira. Enti, metu wo fo se to sikakɔkɔ, sikakɔkɔ amapa, firi me nkyen, sɛdeɛ ebema woaye ɔdefoɔ. Afei, to ntadeɛ fitaa hye fa kata w'aninguaseɛ adagya no so. Afei, to aduro gu w'ani so, sɛdeɛ wobehunu adeɛ.

Mekɔ so twe wɔn a medɔ wɔn no nyinaa aso. Enti bo mmɔden na twe wo ho firi bɔne ho. Tie! Megyina epono no akyi rebɔ mu; se obi te me nne na ɔbue epono no a, meba mu na me ne no adidi na ɔno nso ne me adidi.

Mema nkonimdifoɔ no atena m'ahennwa no ho, sɛdeɛ madi nkonim enti, mete m'Agya ahennwa ho seesei no. Se wowɔ aso a, enneɛ tie dee Honhom no ka kyere asafo no.

Momma yemfa nsem a eye papa wɔ Tweresem no mu no nni ekan!

Efeso – Nnwuma, Nsiye, Nteaseɛ, Ahofama

Deɛ edi kan koraa no, Yesu kamfoo Efeso Asore no wɔ ne nnwumapa ho. Adepa baako a yehunu wɔ Asore a ahooɔden wom ho ne se, asɔremma no som. Yesu amma se wɔmmesom no, na mmom, ɔbaeɛ se ɔrebesom, na Asore a ahooɔden wom biara hwe ne nhwesɔɔ no so ye bi pepɛpe. Eye dwumadie Asore.

Deɛ etɔ so mmienu, Yesu kamfoo Efeso Asore no n'adwumaden ne ne nsiye ho, anaa ewɔ ne nsiye ne n'ahohyesɔɔ ho. Adeɛ a yesan hunu wɔ Asore a ahooɔden wom ho ne se, enye honhom mu akwadworɔ. Enye se wɔgye Onyankopɔn adom nko ara keke na mmom, woye adwuma a Onyankopɔn nam wɔn so reye no enna afei nso wɔma

wɔn ho kwan ma Onyankopɔn fa wɔn so ye adwuma. *Monka so mfa ahopopɔ ne suro nye adwuma mfa nwie mo nkwasaye ho adwumaye, efiri se, Onyankopɔn na ɔma mofiri mo pe mu di dwuma a esɔ n'ani* (Filipifoɔ 2:12-13).

Asore a ahɔɔden wɔ mu kɔ so ara nyini wɔ ɔsom mu.

Dee etɔ so mmiensa, Yesu kamfoo Efeso Asore no wo ne *nteasee* ho. Na wɔnkata wɔn ani nnye biribiara ntom keke anaase obi a ɔbeba wɔn nkyen wɔ Kristo din mu gye se wɔye nhwehwe pe nokwasem a ewom ansa. Na wɔso wɔn a wɔsee se wɔnam Kristo din mu na ereba no hwe enna afei nso, na wɔnsosɔ atorofɔɔ ne atorofosem so. Asore a ahɔɔden wom de boasetɔ ye nhwehwemu hunu se, enye onipa biara a ɔsee se ɔye Kristoni anaase Kristo na asoma no biara na eye nokore. Yesu bɔɔ kɔkɔ wɔ Mateo 24:4 ne mmeaee foforo bi se, *Monhwe na obi annaadaa mo.*

Dee etɔ so enan, Yesu kamfoo Efeso Asore no wo *n'ahofama* ho. Na *wafa ahohiahia* mu pa ara esiane ma a na ɔde ne ho ama Yesu Kristo nti, nanso na *ɔmpaa aba*. Asore a ahɔɔden wom nnyae ne Kristo mu gyidie mu esiane ɔsɔretia, ahohiahia anaa ɔtaa nti. Esi nkete fa ɔsɔretia, akwansidee ne ɔhaw ahodoɔ mu enam Kristo a ɔde ne ho abɔ no nti.

Smirna – Nokoredie

Na Smirna Asore no nyaa ne ho mmaa emmuu so sedee nnipa behunu. Nanso Yesu kamfoo asɔremma no se, emfa ho ne wɔn *ahokyerɛ* ne *ohia*, wɔye honhom mu adefoɔ! Asore a ahɔɔden wom ye nokoredie Asore a emfa ho ne tebea asɔremma no wom.

Pergamo – Ahofama

Yesu kamfoo Pergamo se *wɔatumi atena nokore mu* adi Ye-su ho adanseɛ sedee ɔtee pɛpɛpɛ wɔ beaee a ɔbonsam ahennwa sie. ɔkamfoo wɔn se *wɔannyae wɔn gyidie mu*

mpo wɔ ɛberɛ wɔkumm Antipas wɔ gyidie a na ɔwɔ wɔ Yesu mu no nti.

Tiatira – Ahofama

Yesu ka kyereɛ Tiatira Asɔremma no sɛ, ɔnim wɔn *nnwuma*, *ɔɔ ne gyidie*, *ɔsom ne wɔn nsiye* na afei nso, wɔkɔ so ara *yɛ nneema pii* sene deɛ *wɔdii kan yeeɛ no*. Asɔre a ahɔɔden wom nam ne nneyɛɛ ne ne suban so da ahofama adi kyere Awurade. Bio, Asɔre a ahɔɔden wom yere ne ho wɔ ne nnwumaye mu na enam yei so ma n'anigyeeɛ ne ne som tu mpɔn.

Sardi – Ahotɛ

Ɛwom sɛ, Yesu teneteneɛ Asɔre no nyinaa deɛ nanso ɔhunuu sɛ, Sardifoɔ no mu bi wɔ ho a na *wɔda so yɛ nokwafɔ* ma no ɛfiri sɛ na wɔde enidie nante wɔ N'asɛm no mu.

Filadelfia – Animia

Yesu kamfoo Filadelfia Asɔre no wɔ ne pingingyina wɔ sɔhwɛ ahodoɔ ho no ho. Ɔkaa sɛ: *Menim sɛ wowɔ tumi kakra*. *Woadi me nkyerekyere no so, nam so adi me nokore*. Bio, ɔkaa sɛ: *Esiane sɛ woadi me mmara so anya boasetɔ enti, sɛ ɔhaw a ereba ewiase nyinaa de asɔ asase so nnipa nyinaa ahwe no ba a, megye wo afiri mu*.

Asɔre a ahɔɔden wom no gyina Onyankopɔn Asem so wɔ bere a mpo nnipa dodoɔ no ara nnim wɔn anaase ɛbere a eno nti, wɔtaa agyidifoɔ no. Wɔka nokore sɛ, wɔyɛ Yesu dea, nanso wɔsi nkete de boasetɔ gyina ɔhaw no ano a wɔmfɔ ho ne deɛ ɛbesi wɔ wɔn abrabɔ mu. Ɛbetumi aba sɛ wɔbɛte nka wɔ wɔn nipadua mu sɛ wɔyɛ mmere, nanso enam Yesu a wɔde wɔn ho abɔ no nti, wɔyɛ ahɔɔdenfoɔ!

Laodikea – Ahobreasee ne Anigyeɛ

Na Yesu nni asempa biara ka fa Laodikea Asɔre no ho. Enan wɔn ahonya nti na wɔaye apɔmpɔmpe ama ahonya no afura wɔn ani wɔ nokwasem a efa wɔn honhom mu tebea ho.

Asɔre a ahɔɔden wom no, eberɛ biara no, ɛdan Awurade san hwehwe Awurade akyiri kwan. Wɔnsusu sɛ ahonya ne honhom mu ahonya ye adekorɔ.

Afei, nsem a enye papa. Bɔneka ne adwensakra ho hia wɔ Asɔre a ahɔɔden wɔ mu mu.

Efeso – Moagyae mo kane dɔ no

Na Efeso Asɔre no ye nneema a etene. Ye-su kamfoo wɔn wɔ nneema bebreɛ ho. Nanso, adeɛ baako pɛ na na eha no wɔ wɔn ho, ene sɛ, na wɔn dwumadie ahodoɔ nyinaa mu no, afei na na wɔahye aseɛ retu mɔn. Na wɔn ani nnye Yesu ho bio!

Wɔde saa ɔhaw yi pomasibere ama wɔn. *Kae des wo-firi hwee aseɛ! Sakra w'adwen na san ye wo kane nneema no.* Eho hia sɛ yekae, sakra yen adwene na yeye nneema foforo sɛdeɛ ebeye a ebema yeasan anya ɔɔ ne anigyeɛ ama Yesu. Kɔkɔbɔ a ɔde maa Asɔre yi ne sɛ, sɛ wɔanye yei a, ɔbeyi wɔn kaneadua no afiri ho. Sɛ wohwere Yesu mu anigyeɛ a, ekyere sɛ woahwere wo nanye, wo so mfasoɔ ne wo tumi.

Smirna – Osuro

Na eɛ sɛ Yesu ka Smirna Asɔre no anim, nanso ɔhaw a na aka kakra ama wɔakɔ mu no ho nkuranhyesem ne afo-tusem na ɔde maa wɔn. Sɛ yeanye ahweyie a, hu betumi abubu asɔre a ɛwɔ ahɔɔden ne gyidie agu fam pasaa. Yesu hye yen sɛ, emfa ho ne deɛ ebeto yen, mmma yemmmɔ hu na mmom yenkɔ so ara nya gyidie wɔ ne mu.

Asore a ahooɔen wom no de akokoɔduro na eɔi Kristo ho adanseɛ. Eɛe se yebo akokoɔduro ho mpaee. Osomafoɔ Paulmpo sree akokoɔduro ho mpaebɔ! Efesofoɔ 6:19-20 ka kyere yen se, *Mommɔ mpaee mma me nso na se meɔue m'ano a, wɔama me asem aka, na matumi akasa akokoɔduro so ada Asempa no mu ahintasem adi. Seesei meye ho onanmusini a meda mpokyere mu. Eno enti, mommɔ mpaee mma me na matumi de akokoɔduro apae mu aka no seɔee ese se meka no.*

Pergamo – Abosonsom ne Adwamammɔ

Na nnipa bi wɔ Pergamo Asore no mu a Yesu kaa wɔn anim wɔ wɔn abosonsom ne wɔn adwamammɔ ho. Na wɔbo ahuhubra. Na wɔde wɔn ho hyehye dwumadie ahodoɔ bi a na ehye abosom animuonyam mu enna wɔsan da adwamammɔ suban adi. Eɛe se yetwe yen ho firi abosonsom ne adwamammɔsem ho. Ense se yeɔi ewiase akyi na mmom, *momma Onyankopɔn nsakra mo adwene wɔ mo mu, na moanya adwene foforo* (Romafoɔ 12:1-2).

Tiatira – Atoro Akyerekyerefoɔ Nsosɔso

Na enye abosonsom ne adwamammɔ nko ara ne ohaw a ewɔ Tiatira Asore no mu na mmom, na Asoremma no resosɔ onipa a wama wɔrefom kwan no so! Ense se Asoremma no sosɔ Atoro nkyerekyere ne atoro akyerekyerefoɔ so wɔ Asore no mu koraa.

Sardi – Honhom mu Nkoto

Na Sardi Asore no *agye din se, eye asore a ete ase* nanso Yesu ka kyereɛ wɔn se, wɔn tebea no kyere se *wɔawu*. Oka kyereɛ wɔn se *wɔnyane na wɔkanyane dee aka wɔn nkyen no na anwu koraa*. Osan hyee wɔn se, wɔnkae dee wɔate na wɔnni so na wɔnsakra wɔn adwene.

Nnipa a wɔwɔ Asɔre a ahɔɔden wɔ mu nye asem no atiefɔ kwa na mmom, wɔye asem no yefɔ. Ɛnye se wɔde wɔn no ka no kɛkɛ se Yesu ne Awurade na mmom wɔde enidie ma no se Ɔne Awurade.

Filadelfia– Abamubuo

Na Yesu nni asem biara a ɔbegyina so atenetene Filadelfia Asɔremma no. Enti, ɔhyɛ wɔn nkuran sɛ, *Kora w'ag-yapadeɛ, na obi anwia wo nkonim abotire no.* Sɔhwe baako a asɔremma taa hyia ye nyaatwomfɔ ne atorɔfɔ abamubusem a wɔka kyere wɔn. Yesu hye yen sɛ, ɛmfa ho ne nneyɛɛ a afoforɔ beye akyere yen, mmma yɛnni saa abamubusem no akyi na mmom, yɛnkɔ so mfa apono a wabuebue atoto hɔ no mu mfa nsiye nni ne ho adanseɛ.

Laodikea– Boturobodwo Honhom (honhom mu aniha)

Boturobodwo pomasibere wɔ kasapɛn ahodoɔ a ɛfa asɔre yi ho no mu. *Enti, metu wo fo se tɔ sikakɔkɔ, sikakɔkɔ amapa, firi me nkyɛn, sedɛɛ ɛbema woaye ɔdefɔ. Afei, tɔ ntadɛɛ fitaa hye fa kata w'aninguaseɛ adagya no so. Afei, tɔ aduro gu w'ani so, sedɛɛ wobɛhunu adeɛ. Mekɔ so twe wɔn a medɔ wɔn no nyinaa aso. Enti bɔ mmɔden na twe wo ho firi bɔne ho. Tie! Megyina ɛpono no akyi rebɔ mu; sɛ obi te me nne na ɔbue ɛpono no a, mɛba mu na me ne no adidi na ɔno nso ne me adidi.*

Asɔre a ahɔɔden wɔ mu ye nkonimdie asɔre!

Ɛnye sɛ ebia a Asɔre a ahɔɔden wom nnya ɔhaw da; na mmom, deɛ etɛɛ ne sɛ, ɛdi nkonim wɔ ɔhaw a ɛbɛhyia biara so. Yesu wɔ akyedɛɛ kɛsɛɛ ma wɔn a wɔbɛdi nkonim no.

Sɛ yehwe nneema a yehunu wɔ Asɔre a ahɔɔden wom ho no a, yehunu sɛ Asomafoɔ 2:42-47 twa tete asafo no ho mfon kyere yen. Ɛka sɛ: *Daa na wɔde wɔn adagyɛɛ nyinaa sua asomafoɔ no nkyerɛkyere. Wɔne wɔn nyaa*

ayankofa, hyia didi bɔɔ mu ne wɔn bɔɔ mpaeɛ. Asomafɔɔ no yɛ anwanwadeɛ ahodɔɔ bebreɛ maa obiara a ɔhunuiɛ no ho dwirii no. Agyidifɔɔ no nyinaa kɔɔ so tenaa ase se nnipa korɔ, na wɔkyekyɛ wɔn ahodɛɛ mu momaa wɔn ho wɔn ho. Wɔwɔn wɔn ahodɛɛ kyekyɛɛ sika a wɔnya firii mu no maa wɔn ho wɔn ho sɛdɛɛ ɛho hia obiara. Daa na wɔbɔ mu hyia wɔ asɔredan mu de anigyɛɛ ne akoma pa bɔ mu didi wɔ wɔn afie mu, kamfo Onyankopɔn, nya animuon-yam wɔ nnipa anim. Eɔa biara na Awurade de wɔn a ɔgye wɔn nkwa no beka wɔn ho.

Nneɛma nkron a yɛhunu wɔ Asɔre a ahɔɔden wɔ mu ho

- Wɔka Onyame Asem wɔ mu (Twerɛ Kronkron mu asem)
- Wɔɔɔ wɔn ho wɔn ho wɔ Kristo mu (Nkabom)
- Wɔbubu paanoɔ wɔ mu (Awurade Adidi)
- Wɔtaa bɔ mpaeɛ wɔ mu
- Nyamesuro wɔ mu ɛna Onyame Honhom nso ye adwuma wɔ mu
- Nkabom ne onuadɔ wɔ mu
- Ayamyɛ, ɔma ne afɔrebɔ wɔ mu
- Nyamesompa wɔ mu
- Nnipa nya nkwagyɛɛ ma Asɔre no nyini

Asɔre ne se nnipa bi atu wɔn ho asi hɔ se wɔbeyɛ Yesu asuafoɔ a wɔatu wɔn ho asi hɔ se wɔbeka Onyame Asem, wɔbedɔ wɔn ho wɔn ho, wɔne Awurade bedidi, wɔbeyɛ mpaeɔfoɔ, wɔbeyi deɛ wɔwɔ no bi ama na wɔasom de anya nhyira afiri Onyankopɔn hɔ. Ɛye a na Nyamesuro wɔ ne ntaban ase. Honhom Kronkron no ye adwuma wɔ tumi mu san ye anwanwadwuma nso. Wɔnya nkabom wɔ Kristo mu. Na Onyankopɔn de wɔn a ɔregye wɔn nkwa no hyɛ Asɔre no nsa! Me mpaeɔ ne se N'asɔre no beka so adɔre na anyini wɔ ahɔɔden mu!

ADESUA NE NNWENNWENEHO NSEMISA

- Edeen na wosua faa asore no ho na eye edeen ptee?
- Ekwan ben so na obi betumi afa abeye Yesu asore no ba?
- Asore no ho mfonitwa no mu dee ewo he pa ara na nteasee wom ma wo na aden ntira?
- Se wodendwene Asore no botae ahodo no ho a, emu dee ewo he pa ara na anka wode w'ani besi so atu ho anammn?
- Nsem ahodo a efa “mo ho mo ho” ho no mu dee ewo he na eye wo de pa ara na aden ntira?

- Yesu nsempo a otwere komaa asore nson no mu dee ewo he na eda adi wo w'asore mu?
- Animkasem a Yesu twere komaa asore nson no mu dee ewo he na eda adi wo w'asore mu na edeen na wobetumi aye asakra afiri ho anaase wobeye asesa saa adee no?
- Nneema nkron a yehunu wo Asore a ahoden wo mu ho no mu dee ewo he na eda adi wo w'asore mu?
- Nneema nkron a yehunu wo Asore a ahoden wo mu ho no mu dee ewo he na w'asore to sini wo mu na ekwan ben na wobefa so aboa ama nsakrae amapa aba mu?

Free Digital Copy From [ServeNow](#)

Free Digital Copy From [ServeNow](#)